



UNIVERSITÄTS-
BIBLIOTHEK
PADERBORN

Universitätsbibliothek Paderborn

Exhortationes|| Ad|| Religiosos

Dirckinck, Johann

Coloniæ Agrippinæ, 1704

Reg. 29.

[urn:nbn:de:hbz:466:1-51834](#)



REGULA XXIX.
DE CUSTODIA SENSUUM.
EXHORTATIO
IN EANDEM.

De diligenti sensuum, oculorum præcipue, aurium & linguae custodia.

T H E M A.

*Hortus conclusus, Soror mea Sponsa, fons signatus, puto
aquarum viventium. Cant. c. 4.*

V E L

*Omnes diligentissime current portas sensuum suorum (oculorum
præcipue, aurium, & linguae) ab omni inordinatione
custodire. Reg. 29.*

Varia inter hieroglyphica, synibola, ænigmata, emblemata ac similia, quibus sponsus divinus, sponsam suam celebrare, atque adumbrare dignatus est; non infinita sunt, qua Cant. 4. depromit; dum triplice amoremate delineat ac depongit: *Hortus conclusus*, ait, *Soror mea sponsa, fons signatus, puto aquarum viventium.* Quae tria, non secus atque alia Cantorum volumine contenta, sensum triplicem, scilicet totalem, prin-

cipalem ac partialem admittuntur. Sensus totalis Ecclesiam universam indicat, qua est *Hortus*, virtutum, gratiarumque flores & germina protinus conclusus, ne hæres intrent. Est in gratia & doctrina; signatus, ne crystallinus ejus liquor errorum ac viciorum caeno turbetur: est *puto aquarum viventium*, Baptismi & Sacramentorum. 2. Sensus principalis Beatissimam Dei Genitricem Ieu. 6. lxxv respicit: qua est *hortus conclusus ob virginitatem*; signatus, ob puritatem & sensum studiorum: *puto aquarum viventium*.

tum quia Christum fontem aquæ vive
genuit; tum quia aquas gratiarum ef-
fundit. Nam S. Epiphanius orat, de
Deip. his eam verbis salutat: *Ave gratia
pura, que sicuties fontis dulcedine fatis.*
S. Ephrem de Laud. Deip. Eam son-
um gratie & totius consolationis depræ-
dicat. S. Chrysostomus his eam allo-
quitur: *Ave, qua ex puto semper viventis
aqua.* 3. Sensus partialis animam reli-
giostam quamlibet, aut etiam animam
pian, sanctamve, tanquam Ecclesiaz
patrem adumbrat: quidnam igitur verba
eadem, & Societati nostra minimæ, &
cuvis eius persona adaptemus; quam,
hortum conclusum, fontem signatum, pu-
num aquarum viventium esse, cōvenit.
Quæ tua eologia in eam cadent, si tria in
Regula præcente, expressæ, complexa
fuerint. Nimirum 1. Si sensuum custo-
diam exactam tenerit, hortus conclusus
est. 2. Si passiones domando, in pace
& humilitate perfliterit; fontem signa-
tum præbebit. 3. Si intellectum, vo-
luntatemque ad Deum elevando, cum
in omnibus creati invenerit ac consi-
derabit, putem aquarum viventium re-
presentabit. Tria. hac tanquam toti-
dem calitatis tuenda præsidia, ad Re-
gule præcedentis observantiam admou-
dum opportuna, in præsenti paucis
considerabimus.

1. *Hortus conclusus soror mea.* Pri-
mum hoc è termis Symbolum est, quo
sponsus divinus sponsam adumbratam
proponit. Sapientissimus Regum Sa-
lonon hortus construxit amoenissi-
mum, plantis lectissimis confitum, flo-
ribus, tanquam stellis exornatum, arte
topiaria ad omnem elegantiam com-

positum, ideoque *conclusum*, ne cum
aut concilcent bestiæ, aut viatores
spoliarent. Hortum istum ex Josepho
Adrichomius in descriptione terra san-
ctæ, pag. 170. vivis quodammodo co-
loribus delineat: *Hortus*, inquit, *regius*,
qui *hortus conclusus* dicitur, *hortus* erat in
suburbanis Ierusalem, muris undique sep-
tus, atque ut paradisus, arborum, fruti-
cum, berbarum, aromatum, florum, fru-
tiūque ubertate amans, mulcendisque
ac foventu sensibus conveniens. Hortum
hunc mysticè, elegantèque in sensu
partiali interpretatur Magnus Grego-
rius, dum ait: *Anima sancta est hortus con-
clusus, quia dum virtutes mitit, flores gig-
nit, & dum virtutum exhilaratione se resi-
cit, fructus, quos genuerat, eadem custodit.*
Hortus autem conclusus est dicitur 3. quia
dum bona sua, intentione vita aeterna ab-
scindit, dum humanas laudes omnino con-
temnit, ipsa bona intentione se circumsepit,
ne ad interiora rapienda hostis antiquus
irruere posset. Si igitur ejusmodi ani-
ma hortus est conclusus, idem Societa-
tis Religiölo conveniet; is enim

Primò est hortus quem instar paradisi
cujusdam fertilissimi, & omnium vir-
tutum flores, & operum bonorum fru-
ctus, proferre decet, quibus, Christum
Dominum verum Salomonem hono-
ret, & odoris suavissimi fragrantia re-
creet. Deinde est conclusus: ut enim in
animæ nostræ hortum serpens antiquus,
& coluber tortuofus, non irrepat, om-
niaque germina vanitatis veneno infi-
ciat, conclusus sit oportet; non solùm, ut
vigili puræ intentionis oculo eum cu-
stodiatur, verùm etiam quinque sensus,
oculorum præcipue aurium & oris

Nnn 2 portas,

portas, probè occuldat: Scripturā enim teste, *Mors intravit per fenestras.* Quare

1. Claudendi oculi, vīsiisque ab omni inordinatione custodiendus, id est, à nocivis, inverecundis, impudicis, imò & a curiolis, præfertim sequioris sexū personarum aspectibus. Exemplo Sancti Job, palam proficitis: *Pepigi fædus cum oculis meo; ut ne cogitarem quidem de Virgine.* c. 31. 1. Igitur intus ejusmodi objectorum, tanquam balilicorum fugiendi sunt, ne perimamur. Quorū enim oculorum telis periēre? Aspice Davidem virum secundūm Cor Dei, virum perfectum: aspice Salomonem Regem omnium longè sapientissimum: aspice Samsonem, Holofernem, aliisque sexcentos Heroës & pugiles fortissimos, an non capti in oculis suis occubuerunt? Si igitur cum tot milibus, imò millionibus interire nolis, pange fœdus cum oculis tuis, & avert oculos tuos, ne videant vanitatem.

2. Deinde auditus ab omni inordinatione custodiendus, & claudendus, ne verba vana, dærratoria, scurrilia, ac multò magis inhonestā, turpia atque obſcenā irrepant. *Sepi aures tuas spinis,* monet Siracides Eccli. 28. 29. Id est, dum ejusmodi verba auribus hauris, ralem repugnantiam, horrorem ac dolorem sentias, ac si aures tuae spinis circumvallatae forent, quæ talibus sermonibus, non sine dolore, quasi imprimerentur. Ad hæc *Sepi aures tuas spinis.* Eiusmodi spinae esse possunt, timor Domini, metus inferni, horror peccati. Imò juvat nos ad hujusmodi verba surdos esse, alpidèisque imitari, qui aurem tuam terre affigunt; alteram caudā

opplent, ne incantantium voces perficiant. Terra autem aures, affigimus, dum infirmatatis nostræ memoriam tristificamus, caudā aures obturamus, dum novissimorum consideratione, complacentia & consensu, mentem compescimus.

3. Lingua quoque & os ab omni inordinatione custodienda sunt; ne ea in verba laxemus, que profari nefas est. Qualia sunt, otiosa, vana, stultiloquia, scurrilia, ac longè magis in ea, quæ turpitudinem, obſcenitatem metaphrasuant: *Omnium munditas (etiam colorata ac palliata) ne nominetur in vobis.* ad Ephes. 5. Deinde sub silentio rigore lingua coercenda est, & strenuus temporibus servandum silentium. *tempus loquendi, & tempus tacendi,* ut Ecclesiastes. Virtutem primam electa compescere linguam. Vix electa gula, quæ à Tironibus, præsercim facili recenter egressis, & garrulitatis affectis, frequentius rumpatur, quam illa de silentio, cum tamen tanti eas remittenti, ut S. Jacobus aſterere non ſuget ritus, c. 1. 26. Si qui putat se religio effe, non refrenans linguam suam, hanc vana eff religio. Tam arcta vero honesti disciplina servanda est, ut tempore vetrico, nè de piis quidem bonisque sermones mīſceamus; exemplo Didicis, qui ait: *Obmutui & silua iros.* Si igitur, Charissimi, serio optamus, ut *hortus noster*, in noxias fruges protuberet, nec spuria germina, fructuose adulterinos effundat, sed portis virtutum præstantes fructus, actions & præ reliquis calcitatis liliū proficiat conclusus: sensuum nostorum portus

quām diligentissimè à vitiis custodia-
mus , oculos præstern & aures , nec
non linguam , præcipue sub laborum
actuorum intermissione ; peracta re-
fexione , in virium repastinationem
concessa.

II. Alterum symbolum , cui Spon-
ta Sponsam in Cantico Canticorum
similat , est Fons signatus . Salomon
Rex in horto suo concluso , fontem ad-
onaverat insignem : qui , ut afferit A-
drichomius l.c. Vocabatur Rogel , to-
tanque hortum conclusum irrigabat : & ex
eis Rex trahebat. Eoque sine signatis , sive
in verti Arabicus , sigillo obsignatus
erat ; ne quispiam fontem vitiaret , in-
siceret , turbaret , aut ne serpentes , bufo-
nes , aliave venenata reptilia accede-
rent , virisque injicerent . Similis fons
apud Perlas repertus fuit , ex quo solus
Rex cum primogenito Filio , lympham
in potum hauriebat , adeò , ut si alius ex
eo potaret , capite plecteretur , teste
Athenaeo L. 12. Nec absimilis in His-
pania prope Complutum fons visus ,
ex quo , pro Rege solo aqua depo-
mitur.

Talis rursus Fons signatus est anima
pa , anima sancta , anima religiosa ,
fons puram , illimem , & minime tur-
bidam aut turbatam continens aquam ;
non commoventibus eam passionum
ventis ; aut cupiditatum serpentibus ,
venenum insipientibus. De fonte Ec-
clesie loquitur S. Augustinus L. 2. con-
tra Cresconium c. 14. & 15. Huius fonti
signata , nemo communicat alienu , nullu
n'mutatur accedit , aut ita omnino mu-
tandus , ut non sit alienus : sed sit caelestis
particeps pacis ; sancte socius unitatis , ple-

nus individua charitatis , civis Angelica ci-
vitati. Quales S. Augustinus cupit esse
fides , tales S. Ignatius (& quivis
Fundator) sios optat esse sodales ; fon-
tes signatos , à passionum turbatione &
cupiditatum inordinatarū veneno im-
munes. Sit quisque caelestis particeps pa-
tientis , domito passionum inter se belligeran-
tiū furore : sit sancte socius unitati :
animi demissione , intellectus & vo-
luntatis subjectione ; ac mitis mentis
dulcedine : sit plenus individua charitatis ,
rixarum & discordiarum expulsione ,
& perfecta mutua dilectione atque u-
nitone. Sit denique civis angelica civitati ,
caelitatis angelicæ candore , & sensu , appetituunque omnium abne-
gatione. Ante omnia vero , viperas ,
colubros , serpentesque virorum procul
à cordis fonte arceat. Serpens est in-
quietudo , quā quis nec ipse in pace de-
git ; nec alios degere finit : virisque in
communitatem , per quam noxiū , e-
vomit , sed huic sigillum , in praesente
Regula apponit S. Ignatius , volens , ut
simus fontes signati , nosque in pace in-
terna conservare studeamus. Draco est su-
perbia , toxicum propriæ excellentiæ ,
& astimationis sui evomens , quo aliis
præferri cupit , alios despicit , debitum
que honorem denegat ; & venenum hoc
communitati admodum nocivum est ;
ne id nos inficiat , S. Fundator sigillum
addit , ut nimis instar fontis signati
& bene clausi , nos in humilitate interna
conservemus , in omnibus optando atque pro-
curando posteriores partes alii deferre , omnes
in animo , tanquam sibi superiores ducendo ,
& exercitus honorem & reverentiam , quam
exigit cuiusque status , cum simplicitate &

Nnn 3 modera-

moderatione religiosa exhibendo : Non more aulico & affectato, non animo duplice aut ficto : atque hoc ipsum castitatem plurimum adjuvat : humilitas exterior & interior fontem illum signatum conservat : Nulla est castitas carnium, quam non commendat humilitas mentis, inquit S. Gregorius. Coluber est nimia loquacitas & garrulitas, varium communitati aconitum afflans, murmurando, detrahendo, obloquendo, rixando. Apponit sigillum S. Ignatius hanc ipsam Regulam jubens, ut pacem & humilitatem conservemus in silentio, cum id observandum est, cum autem loquendum in circumspectione & adiunctione verborum, ac maturitate: incepsus, motuunque omnium, sine ullo impatiencia aut superbie signo exhibere. Atque ita necatur quoque anguis impatientiae, manetque fons signatus : ab omni veneno vitiorum purus, limpidus, amenas salubresque contingens aquas, quae alios & nosipos passant atque oblestant. Prorsertim vero juvabit id, mirum in modum, ad tutelam castitatis, ut docet Caffianus Coll. 12. c. 6. Quantum quis in lenitate & patientia cordis, tantum in corporis puritate proficit: quantumque longius pepulerit iracundia passionem, tanto tenacius castitatem obtinebit; non enim astus corporis delinabit, nisi qui animi motus ante compresserit; & ideo dicitur Matth. 5. Beati misericordi et humiles quoniam ipsi possidebant terram, scilicet carnem suam.

III.
Puteus
aquaerum
viventium.

III. Tertium symbolum, quo Sponsor Sponsam extollit, est Puteus aquarum viventium, quae fluunt impetu de Libano. Hunc quoque puteum describit Adrichomius pag. 6. num. 67. dum ait:

Puteus aquarum viventium, cuius in Canticis sunt mentio, juxta viam, que Iordanus fit, situs, egregius est & admirabilis. Continet quatuor fontes, maru quadratus inclusus, unde variis deducuntur aquae ad rivis, qui totam Tyri planitatem, nemisque ejus hortos irrigant & frumenta.

Eiusmodi fontem, pitemur, oportet quemlibet de Societate esse. S. I. Ignatius, ut nimis plenus sit aqua vivâ, quam haurire valeat; dum in Regula prescribit, ut quisque Deum in aliis, velut in illius imagine, cognoscere primit, ex qua cognitione, multi, proclamant fructus velut è fonte scaturient. Ut igitur in fratibus ac proximis nostris Deum, tanquam in imagine, invenimus, sciendum est; quod homo, secundum corpus sit imago Dei, licet radiis atque imperfectior: habet enim volutum effectum in Cœlum: O homo inserviens dedit, etiamque tueri: iustus & iustus ad sidera tollere vultus. Canit Ovidius. Ut in rebus celestibus & aeternis, omnino bonum & delectationem quare dicat. Capillos versus celum eredit gerit, ut dicat omnem bona voluntate succum, ad incrementum Spiritus, hauriri desuper oculos, manusque oram in celum elevat, unde auxilium expectat. Longè autem nobilior & expulsior Dei imago ac similitudo in anima cernitur: quemadmodum enim Deus est Spiritus, immortalis, trinus & unus; ita anima Spiritus est, immortala, & quodammodo trinus & unus. Una in essentia, trinus in potentiis, memoria, intellectu & voluntate. Diuina etior vero imago est gratia, virtus &

vita sanctimonia , qua nos vivas reddit
Dei imagines , filios adoptivos atque
hæc regni cœlestis.

Ex hac consideratione haurimus a-
quam vivam variarum virtutum : nam
1. Aflue scimus mentem paulatim à car-
nibus & terrenis abstrahere. 2. Ut
Regula innuit , in devotione crescimus,
dum ad opera charitatis exhibenda,
promptiores reddimur. 3. Ut Regula
instructus ; Dominum Deum laudamus,
tanquam in sua imagine, fratres nostros
viuentes, virtutibus à Deo acceptis or-
natos , pro quibus , grates referimus.
4. Denique illorum virtutes imitamur;
neque ita impediuntur cogitationes , ca-
ritatis officere valentes , & vita cole-
fis in initium auspicamus , quam in cœle-
sti patria , aliquando æternum prose-
quemur.

Quæ cum ita sint , Charissimi , si ca-
stitas Angelica , tanquam præstantissi-
mum animæ cimelium , nobis curæ &
cordi est ; terna à S. Patre nostro præ-
scripta remedia , sedulò adhibeamus,
necessæ est. 1. Instar horti conclusi , sen-
tientia nostros , præcipuè autem , oculos ,
aures & linguam , ab omni inordinatio-

ne probæ custodiamus : hi enim portæ
sunt , per quas libido & mors animæ in-
greditur , ut David , Salomon , Samson ,
innomerique alii , experientia didice-
runt. 2. Instar fontis signati , omne ira ,
impatientia , superbia , loquacitatis ,
immodestia , aliarumque passionum
venenum , omnino arceamus : quin potiū
in pace & humilitate nos conser-
vemus , ista enim pax & humilitas ca-
stitatis florem mirificè conservat , ut è
contrario , ira , impatientia ac superbia
candem lædit , & luxuria ignem suc-
cedit , ac faces subministrat. 3. Instar
putei aquarum viventium , in fratribus
nostris , in aliis proximis , ceterisque
creaturis pulchris , Deum tanquam in
imagine intueamur , à quo omnis gratia ,
dona naturalia & supernatura pro-
cedunt : hoc modo , amore carnali de-
victo , extinctoque , spirituali duntaxat
dilectione sanctos completemur ; &
sicut in nobis fons aquæ viva , sa-
lientis in vitam æter-
nam.



REGU-